

ՌՈՒՍԻՈՅ ՆԱԽԱԳԱՀԸ ՃԱՆՉՅԱԻ ՏՈՆԵՃՔԻ ԵՒ ԼՈՒԿԱՆՍՔԻ ՀԱՆՐԱՊԵՏՈՒԹԻՒՆՆԵՐԸ

Ռուսիոյ նախագահ Վ. Փութին 21 Փետրուարին երկու հրամանագիր ստորագրեց՝ ճանչնալով Տոնեցքի եւ Լուկանսքի հանրապետութիւնները:



Ռուսիոյ եւ Աշխարհի հանրապետութիւններու ղեկավարները բարեկամութեան, գործակցութեան եւ փոխօգնութեան մասին պայմանագիրներ ստորագրեցին: Փութին նախագահներ Տենիս Փուշիլը եւ Լեոնիդ Փասէչնիքը շնորհաւորեց այդ պայմանագիրներու ստորագրումին առիթով: Փութին հաստատեց. «Մինչեւ 1917 թուական Ուքրանիա գոյութիւն չէ ունեցած: Ուքրանիան ստեղծած է Լեւինը... Ստորագրեցի Տոնեցքի եւ Լուկանսքի Հանրապետութիւններու անկախութիւնը ճանչնալու մասին հրամանագիրը. կը դիմեմ Ռուսիոյ Ղաշուբեան խորհուրդին վաւերացնելու զայն», արձանագրեց նախագահ Վլատիմիր Փութին:

Արցաս Կ'ողջորդէ Տոնեցքի եւ Լուկանսքի Անկախութիւնը Ճանչնալու Ռուսիոյ Որոշումը

Արցախի Հանրապետութեան նախագահ Արայիկ Յարութիւնեան ողջունած է Ռուսիոյ նախագահին կողմէ Տոնեցքի եւ Լուկանսքի ժողովրդական հանրապետութիւններու անկախութիւնը ճանչնալու որոշումը: Նախագահ Արայիկ Յարութիւնեանը այս մասին գրած է Դիմատետրի իր էջին վրայ:



Ռուսիոյ նախագահին որոշումը ողջունած է նաեւ Արցախի Հանրապետութեան Ազգային ժողովի նախագահ Արթուր Թովմասեան:

ՆԱԽԱՐԱՐ ՄԸՔՏԱՏ. «ՌՈՒՍԻՈՅ ԿՈՂՄԵ ՏՈՆԵՃՔԻ ԵՒ ԼՈՒԿԱՆՍՔԻ ՀԱՆՐԱՊԵՏՈՒԹԻՒՆՆԵՐՈՒՆ ԱՆԿԱԽՈՒԹԵԱՆ ՃԱՆՉՈՒՄԸ` ՀԱՄԱԵՆԱՐԶԱՅԻՆ ԽԱՂԱՊՈՒԹԵԱՆ ՊԱՉՊԱՄԱՆ ԱՌՈՒՄՈՎ ԴՐԱԿԱՆ ՔԱՅԼ ՄԸՆ Ե՛»

Երեքշաբթի, 22 Փետրուար 2022-ին, ՍԱՆԱ հաղորդեց, որ Սուրիոյ արտաքին գործոց նախարար դոկտ. Ֆայսալ ալ Մըքտատ Մոսկուայի մէջ «Վալտայ»-ի երկխօսութեան հանդիպումին ընթացքին յայտնեց, որ Ռուսիոյ նախագահ Վլատիմիր Փութին իր արտասանած ճառով յարմար պատասխանը տուաւ արեւմտեան պետութիւններուն, յայտնելով, որ անոնք տարիներ է ի վեր ահաբեկչութեան գործարարներն են եւ կ'սպառնան կը կանգնին, կը պատերազմին իրենց քաղաքականութեան հակասող պետութիւններուն հետ եւ զանոնք ազատութեան ու ռազմավարութեան թշնամիներ կը համարեն: Նախարար



Մըքտատ հաստատեց, որ Ռուսիոյ Տոնեցքի եւ Լուկանսքի հանրապետութիւններուն անկախութեան ճանաչումը համաշխարհային խաղաղութեան, միջազգային օրէնքին, ՄԱԿ-ի պայմանագիրին եւ միջազգային յարաբերութիւններու պահպանման գծով դրական քայլ մըն է: Նախարար Մըքտատ ըսաւ. «Երկար ժամանակէ ի վեր կը գործակցէինք Տոնեցքի եւ Լուկանսքի հանրապետութիւններուն հետ, ներկայ իրավիճակը գործակցութիւնը պիտի ամրապնդէ մեր միջեւ: Սուրիան տասնմէկ տարիէ ի վեր ահաբեկչական անսխալութեան պատերազմի դէմ կը պայքարի, եւ բոլորը լաւ կ'իմանան, որ մենք ահաբեկչութեան դէմ հզօր յաղթանակ տարինք՝ շնորհիւ սուրիական բանակին եւ Սուրիոյ հաւատարիմ ղաշնակիցներուն, զխաւորաբար Ռուսիոյ»:

ՍՈՒՐԻՈՅ ՆԱԽԱԳԱՀՈՒԹԻՒՆԸ ՊԱՏՐԱՍՏԱԿԱՄՈՒԹԻՒՆ ԿԸ ՅԱՅՏՆԷ ՏՈՆԵՃՔԻ ԵՒ ԼՈՒԿԱՆՍՔԻ ՀԱՆՐԱՊԵՏՈՒԹԻՒՆՆԵՐՈՒՆ ՀԵՏ ՅԱՐԱԲԵՐՈՒԹԻՒՆՆԵՐ ՄՇԱԿԵԼՈՒ

Երեքշաբթի, 22 Փետրուար 2022-ին, Սուրիոյ նախագահութեան պաշտօնական կայքը յայտարարեց, որ 21 Դեկտեմբեր 2021-ին, ռուսական Տումայի երեսփոխան Տիմոթի Սապլէնի նախագահութեամբ ռուսական պատուիրակութեան մը Դամասկոս այցելութեան ընթացքին, նախագահ Ասատ Սուրիոյ պատրաստակամութիւնը յայտնեց Տոնեցքի եւ Լուկանսքի հանրապետութեան անկախութեան ճանաչումին գծով: Սուրիոյ Հանրապետութեան այս կեցուածքը կը մենկի Սուրիոյ այն համոզումէն, որ ուքրանական տագնապը արեւմուտքի, զլիաւորաբար ԱՄՆ-ի, արտադրութիւնն է, որպէսզի ժողովուրդներ քայքայուին եւ Ռուսիոյ ազգային անվտանգութիւնը խախտուի, յատկապէս, որ Ռուսիոյ մայրուն սկզբունքներէն մէկը արեւմտեան քաղաքականութեան դէմ պայքարն է: Նախարարութիւնը եզրափակելով շեշտեց, որ Սուրիան պատրաստակամութիւն կը յայտնէ Տոնեցքի եւ Լուկանսքի հանրապետութիւններուն հետ բեղուն յարաբերութիւններ մշակելու, հիմնուած՝ փոխադարձ յարգանքի եւ գործակցութեան վրայ:



ՊԱՅՏԸՆ ՀՐԱՄԱՆԱԳԻՐ ՄՏՈՐԱԳՐԵՅ ԱՌԱՋԻՆ ՊԱՏՃԱՄԻՋՈՅՆԵՐՈՒՆ ՄԱՍԻՆ

ԱՄՆ նախագահ Պայտըն Ռուսիոյ կողմէ Տոնեցքի ու Լուկանսքի ճանաչումին ի պատասխան պատժամիջոցներու առաջին հրամանագիրը ստորագրեց:



ԱՄՆ նախագահը ըսաւ, որ պատժամիջոցները կ'առնուին բոլոր այն անձերուն ու կազմակերպութիւններուն, որոնք կը գործեն Ուքրանիոյ այդ տարածքներուն մէջ: Արեւմուտքի երկիրները եւ ՄԱԿ-ը դատապարտած են Ռուսիոյ որոշումը: Շարք մը երկիրներ Ռուսիոյ կողմէ ուղղած են յետս կոչելու ճանաչման որոշումը, յայտնելով, որ այդպիսով Միւսքի համաձայնութիւնները չեղեալ համարուած են:

ԹՈՒՐԵԻԱ ՊԱՏՊԱՐՏԱԾ Է ՌՈՒՍԻՈՅ ԿՈՂՄԵՆ ՏՈՆԵՃՔԻ ԵՒ ԼՈՒԿԱՆՍՔԻ ՀԱՆՐԱՊԵՏՈՒԹԻՒՆՆԵՐՈՒՆ ՃԱՆՉՈՒՄԸ

Թուրքիոյ Արտաքին գործոց նախարարութիւնը դատապարտած է Ռուսիոյ նախագահ Փութինի որոշումը՝ Տոնեցքի եւ Լուկանսքի հանրապետութիւններու ճանաչման գծով:

«Ռուսիոյ որոշումը՝ ճանչնալու այսպէս կոչուած Տոնեցքի եւ Լուկանսքի հանրապետութիւնները, կը հակասէ Միւսքի համաձայնութիւններուն եւ կը ներկայացնէ Ուքրանիոյ քաղաքական միասնութեան եւ տարածքային ամբողջականութեան ակնյայտ խախտում», ըսուած է Թուրքիոյ ԱԳՆ յայտարարութեան մէջ: «Ռուսիոյ որոշումը անընդունելի է, մենք կը մերժենք անկախ», աւելցուած է հաղորդագրութեան մէջ: Յայտարարութեան մէջ նշուած է նաեւ, որ Թուրքիա կը վերահաստատէ իր յանձնառութիւնը Ուքրանիոյ քաղաքական միասնութեան եւ տարածքային ամբողջականութեան պահպանման եւ կոչ կ'ուղղէ բոլոր շահագրգիռ կողմերուն գործելու ողջախիտութեամբ եւ պահպանելու միջազգային իրաւունքը:



Խմբագրական

**ԼՐՁԱԳՈՅՆ
ՎՏԱՆԳԻ ՊԱՅՈՒՆ**

Ռուսիոյ կողմէ Տոնեցքի եւ Լուկանսքի հանրապետութիւններու ճանաչումը, յատկապէս Ռուսիոյ նախագահին ճանաչման հրամանագիրին մէջ արձանագրուած այն հաստատումը, թէ «Մինչեւ 1917 թուական Ուքրանիա գոյութիւն չէ ունեցած: Ուքրանիան ստեղծած է Լենինը...», կրկին լոյսին կը բերեն Հայաստանի դիւանագիտութեան կրօնքն-ցուցած կարելիութիւնները:

23 Փետրուարին Փուրիսի եւ Ալիեւի շուրջ չորս ժամ տեւած բանակցութիւններէն վերջ, Ատրպէյճանի նախագահը կրկին կը պահանջէր, որ «Հայաստան կատարէ 9 Նոյեմբերի համաձայնագիրով ստանձնած իր պարտաւորութիւնները՝ դուրս բերելով իր զօրքերը Լեռնային Ղարաբաղէն եւ ապահովելով հաղորդակցութիւնը Ատրպէյճանի հիմնական մասին եւ Նախիջեւանին միջեւ»:

Հայաստանին Արցախի հետ գէթ ռազմավարական դաշինք կը կարգուի առաջադրանքը բարձրացուցած էր Հայ Ֆեդերատիվական Դաշնակցութիւնը 44-օրեայ պատերազմէն առաջ: Այդ դաշինքի կընքուած ըլլալուն պարագային այսօր Ատրպէյճան չէր կրնար պարտադրել հայկական ուժերուն դուրս բերումը Արցախէն:

Ցաւօք այդ առիթը կորսնցուցին Հայաստանի իշխանութիւնները՝ Հայաստանի քաղաքական ուժերուն հետ ազգային շահերու վրայ հիմնուած արդիւնաւետ երկխօսութեան ու գործակցութեան մօտեցումներուն նկատմամբ անլրջութիւն ցուցաբերելով:

Պաքուն եւ Մոսկուան այսօր պաշտօնապէս դաշնակիցներ են, ընդ որում անոնց ստորագրած հռչակագիրը կը նախատեսէ երկու երկիրներու ռազմական անվտանգութեան պահպանումը եւս: Մասնաւորաբար, Պաքուն պնդումով, ստորագրուած փաստաթուղթին մէջ կը նշուի, թէ «Անվտանգութիւնը ապահովելու, խաղաղութիւնն ու կայունութիւնը պահպանելու համար Ռուսիոյ Դաշնութիւնը եւ Ատրպէյճանի Հանրապետութիւնը կրնան դիտարկել միմեանց ռազմական օգնութիւն տրամադրելու կարելիութիւնը»:

Ալիեւ մամուլի ասուլիսին կը շեշտէր նաեւ, որ հռչակագիրով կողմերը կը ճանչնան միմեանց տարածքային ամբողջականութիւնը եւ պարտին չմիջամտել միմեանց ներքին գործերուն:

Այս հաստատումով Ատրպէյճան կը ձգտէր բացառել Արցախի ազատագրման որեւէ փորձ, Ռուսիան եւս պարտաւորութեան տակ ղնելով այս առումով, իսկ Ռուսիա ՆԱԹՕ-ի ուժերուն Ատրպէյճանի ճամբով իր սահմանները հասնելու վտանգը կը բացառէր՝ Ատրպէյճանը իր դաշնակիցը դարձնելով:

Երկու երկիրներու նախագահները իրենց ազգային անվտանգութեան պահպանման համար դիւանագիտական ամեն միջոցի դիմեցին ու կը դիմեն, իսկ Հայաստանի իշխանութիւնները կը մնան լուռ...

Լուռ էին անոնք, երբ 44-օրեայ պատերազմի առիթը ունեին ճանչնալու Արցախի անկախութիւնը, յատկապէս երբ Ատրպէյճան կը խախտէր Ռուսիոյ եւ Ֆրանսայի միջնորդութեամբ յայտարարուած զինադադարները:

Լուռ էին, երբ վերոյիշեալ հռչակագիրով Ատրպէյճան իր տարածքային ամբողջականութիւնը կ'ամրագրէր, մինչդեռ Հայաստան ոչ մէկ բանակցութեան կամ յայտարարութեան մէջ արտայայտուած էր ու կ'արտայայտուէր արցախցիներու ազգային ինքնորոշման իրաւունքին մասին, Նոյնիսկ երբ Ատրպէյճան Հայաստանի նախկին նախագահներուն նկատմամբ հետախուզում կը յայտարարէր յայտնելով, որ Զնչարեան եւ Սարգսեան 2 Սեպտեմբեր 1991-ին հռչակեցին Լեռնային Ղարաբաղի Հանրապետութիւնը: Մինչդեռ անկախութիւնը կը հռչակեն ժողովուրդները՝ քուէարկութեամբ կիրարկելով իրենց ազգային ինքնորոշման իրաւունքը:

Տակաւին Արցախի մէջ մշակութային կոթողներ կ'աղաւաղուին, հայութեան ներկայութիւնը ջնջելու յստակ նպատակով, իսկ լուռութիւնը կը շարունակուի:

Հայաստանի ազգային շահերը չեն պաշտպանուիր, փոխարէնը Ատրպէյճան, Թուրքիա եւ Ռուսիա աշխոյժ դիւանագիտութիւն կը վարեն թէ՛ դաշնակցային յարաբերութիւններ գարգացնելու, թէ՛ իրենց ազգային անվտանգութիւնը ամրագրելու եւ թէ՛ ազդեցութեան իրենց գօտին ընդլայնելու տարածաշրջանին մէջ:

Հայաստանի ինքնիշխանութիւնը, ազգային անվտանգութեան պահպանման կարելիութիւնները կը գահավիժին, պիտի գահավիժին, եթէ ներկայ գարգացումներուն լոյսին տակ երկրի ազգային ուժերը համախմբուելով այս քառսէն դուրս գալու գործնական միջոցներու չձեռնարկեն:

«Գ.»

-Զորքշարքի, 23 Փետրուար 2022-ին, ՍԱՆԱ հաղորդեց, որ կէսգիշերուան ժամը 12:30-ին, Իսրայէլ հրթիռներ արձակեց Կուլանէն Զուկէթայի ուղղութեամբ, որուն հետեւանքով սիրիական բազմաթիւ վնասներ արձանագրուեցան:



-Ռուսիոյ արտաքին գործոց նախարար Սերկեյ Լաւրով Սուրիոյ արտաքին գործոց նախարար Ֆայսալ Մըքտատի հետ մամուլի ասուլիսի ընթացքին յայտնեց, որ Սուրիոյ դէմ իսրայէլեան հարուածները կրնան շրջանային ճակատումի յանգեցնել, միջազգային օրէնքի խախտում են եւ կ'ականահարեն Դամասկոսի ահաբեկչութեան դէմ պայքարելու կարողութիւնը: Լաւրով նաեւ յայտարարեց. «Մենք կը գօրակցինք Սուրիոյ Արաբական լիկա վերադարձին»:



-Սուրիոյ կրթութեան նախարար դոկտոր Տարեմ Թապպաա ՄԱԿ-ի Կրթութեան, Գիտութեան եւ Մշակութային կազմակերպութեան՝ ԻՆՏԵՍԵՕ-ի Պէյրութի գրասենեակի տարածաշրջանային կրթութեան վարչութեան աստեւապետ Հանա Եռշիմիտոյի հետ քննարկեց կրթական գործակցութեան ոլորտները խորացնելու եւ այս առումով ազգային կարիքները ճշդելու անհրաժեշտութիւնը:



Նախարար Թապպաա Զորքշարքի օր նախարարութեան շէնքին մէջ տեղի ունեցած հանդիպման ընթացքին ընդօժեց, որ կրթութիւնը պետք է մատչելի ըլլայ սուրիացի բոլոր երեխաներուն համար եւ դուրս գալ ճգնաժամի ազդեցութենէն՝ մատնանշելով նախարարութեան եւ կազմակերպութեան միջեւ գործակցութեան կարեւորութիւնը, յատկապէս Տարապաի գիւղերուն մէջ դպրոցներ բանալու, ինչպէս նաեւ Զուկէթայի, Հալեպի դպրոցներուն յաւելեալ որակաւոր նստարաններ ապահովելու եւ կրթական միջավայրն ու ծրագիրները բարելաւելու համար:

- Ռուս ակադէմիկոս եւ քաղաքական վերլուծաբան Վիտալի Նաում-կին ընդգծած է, որ Արեւմուտքի տնտեսական պատժամիջոցները, որոնք կը կիրառուին Սուրիոյ դէմ, ինչպէս նաեւ ամերիկեան ու թրքական բռնազրաւիչ ուժերու ներկայութիւնը սուրիական տարածքներու վրայ մեծապէս կը վնասեն Սուրիոյ տնտեսութեան եւ սուրիացիներու կենցաղային իրավիճակին:



Մոսկուայի մէջ ՍԱՆԱ-ի թղթակիցին տուած հարցազրոյցին ընթացքին Նաումկին պարզեց, որ Ռուսիոյ եւ Սուրիոյ գործակցութիւնը այն գործօններէն են, որոնք կ'օգնեն Սուրիոյ տնտեսական գարգացման եւ պատժամիջոցներու հետեւանքներու մեղմացման:

- Կիրակի, 20 Փետրուար 2022-ին, Սուրիոյ արտաքին գործոց նախարար դոկտ. Ֆայսալ ալ Մըքտատ յայտնեց, որ Սուրիոյ վրայ իսրայէլեան յարձակումները կը սպառնան միջազգային անվտանգութեան եւ խաղաղութեան: Նախարար Մըքտատ Մոսկուայի մէջ «Ռուսիա Այսօր» պատկերասփիւռային կայանին հետ ունեցած հարցազրոյցին ընթացքին իր խօսքը ուղղելով Իսրայէլի ըսաւ. «Դամասկոսի համբերութիւնը փորձի ենթակա չէ: Դամասկոս անպատասխան պիտի չձգէ եւ որեւէ ժամանակ կրնայ փոխադարձել Իսրայէլեան յարձակումներուն»:



Սուրիական հիւսիսային շրջանին մէջ թրքական ուժերուն սանձարձակութիւններուն անդրադառնալով, նախարար Մըքտատ շեշտեց, որ Դամասկոս ամեն ջանք պիտի թափէ Սուրիոյ հիւսիսարեւմտեան տարածքները ազատագրելու թրքական բռնատիրութենէն:

Լուրեր Հայաշխարհին

ԱՏՐՊԷՅՃԱՆ ՀԱՅԱՍՏԱՆԻ ՆԱԽԿԻՆ ՆԱԽԱՎԱՆՆԵՐ ՈՐՊԵՐԹ ԲՈՂԱՐԵԱՆԻ ԵՒ ՍԵՐԺ ՍԱՐԳՍԵԱՆԻ ՀԱՆՐԵՊ ՇԵՏԱԽՈՒՇՈՒՄ ԿԸ ՅԱՅՏԱՐԱՐԷ

Երկուշաբթի, 21 Փետրուար 2022-ին, Ատրպեյճանի ռազմական դատախազութեան յատուկ հետաքննութիւններու բաժանմունքի ղեկավար Էմիլ Թադիեւ յայտնեց, որ Հայաստանի նախկին նախագահներ Ռոպերթ Զոհարեանի եւ Սերժ Սարգսեանի հանդէպ հետախուզում յայտարարուած է:



Ըստ ատրպեյճանցի դատախազին, Զոհարեան ու Սարգսեան կը հետախուզուին 1988 թուականէն ծաւալած իրենց գործունեութեան համար:

«1988 թուականի Փետրուարէն վերոնշեալ անձերը հայերուն եւ ատրպեյճանցիներուն միջեւ ազգային թշնամանք եւ ատելութիւն սերմանելու նպատակով (Ստեփանակերտ) քաղաքի կազմակերպութիւններուն եւ գերատեսչութիւններուն մէջ հայ աշխատակիցներուն հետ ժողովներ գումարած են», յայտնեց Թադիեւ:

Բացի ատկէ, ըստ ատրպեյճանական դատախազութեան ներկայացուցիչին, «Զոհարեան եւ Սարգսեան 2 Սեպտեմբեր 1991-ին հռչակեցին *Լեռնային Ղարաբաղի Հանրապետութիւնը, Շահումեանի շրջանը անօրինակ անօրէն կցեցին Լեռնային Ղարաբաղին, այդ տարածքներուն մէջ ատրպեյճանական օրէնքներու եւ Ատրպեյճանի Սահմանադրութեան գործողութեան դադարեցման անօրինական որոշում տուին»:*

ԲՈՂՈՔԻ ՃՈՅՑ ՄԱՐԿԱՆԱՍԵՐՎԱՅԻՆ ՀԱՄԱԼԻՐԻՆ ԱՈՑԵՒ

Հայ հասարակական, քաղաքական շրջանակներու ներկայացուցիչները 22 Փետրուարին, բողոքի ցոյց իրականացուցած են Երեւանի մէջ՝ Մարգահամերգային համալիրի շէնքին առջեւ, ուր կ'ընթանան Եւրոնեսթ խորհրդարանական վեհաժողովի յանձնաժողովներու նիստերը: Երեւան հիւրընկալած է Եւրոնեսթ ԵՎ-ի Բիւրոյի եւ 2 յանձնաժողովներու միատեղ նիստերու պատուիրակները, որոնց մէջ կան ներկայացուցիչներ Եւրոպական խորհրդարանէն, Արեւելեան գործընկերութեան երկիրներու խորհրդարաններէն նաեւ Ատրպեյճանէն: Կարէն Տեմիրճեանի անուն մարգահամերգային համալիրին բակը հոծ բազմութիւն հաւաքուած է: Համալիրին ողջ տարածքը հսկողութիւն բանեցուցած են մեծաքանակ ոստիկաններ: Յոյցին մասնակցած են քաղաքացիներ, հասարակական, քաղաքական գործիչներ: Անոնք իրենց վրդովմունքը յայտնած են Եւրոպական պատուիրակութիւններուն՝ Ատրպեյճանի եւ Թուրքիոյ հայատեաց քաղաքականութեան շարունակական դրսեւորումներուն ի տես անտարբեր մնալուն առիթով: Յոյցի մասնակիցները ուշադրութիւն հրաւիրած են Ատրպեյճանի եւ Թուրքիոյ հայատեաց քաղաքականութեան, պատերազմի հետեւանքով գերեզմարուած հայ գերիներուն, Արցախի բռնագրաւուած շրջաններու մէջ իրականացուող մշակութային ցեղասպանութեան վրայ: Յոյցին ընթացքին իրավիճակը լարուած է, ցոյցի մասնակիցներէն մէկը փորձած է ճեղքել ոստիկանական պատնէշը, ապա սկսած է քաշքշուկ ցոյցի մասնակիցներուն եւ ոստիկաններուն միջեւ: Յոյցին կը մասնակցեր նաեւ ՀՀ Գ Հայաստանի Երիտասարդական Միութիւնը, որ նախապէս յայտարարութիւն տարածած էր՝ կոչ ուղղելով մեր հայրենակիցներուն մասնակցելու այս ցոյցերուն:



ԿՈՉ ԱՐՅԱԽԻ ԵՒ ՀԱՅԱՍՏԱՆԻ ԱՉՎԱՅԻՆ ԺՈՂՈՎՆԵՐՈՒ ՆԱԽԱՎԱՆՆԵՐՈՒՆ

Արցախի Հանրապետութեան Ազգային ժողովի երեք ընդդիմադիր խմբակցութիւնները Ատրպեյճանի խորհրդարանի պատգամաւորներուն՝ Հայաստան կատարած այցելութեան առնչութեամբ հանդէս եկած են հետեւեալ կոչով. «Հայաստանի եւ Արցախի խորհրդարաններուն միջեւ նուազող յարաբերութիւններու լուծման տակ ՀՀ վարչապետը ջերմ ընդունելութիւն կազմակերպած է Ատրպեյճանի խորհրդարանի պատգամաւորներուն: Նիկոլ Փաշինեան հանդիպում ունեցած է «Եւրոնեսթ» խորհրդարանական վեհաժողովի Հայաստան ժամանած Ատրպեյճանի խորհրդարանի պատգամաւորներուն հետ, իսկ այսօր այդ պատգամաւորները շնորհակալութիւն յայտնած են ՀՀ վարչապետի ջերմ ընդունելութեան համար: Անհանգստացնող է այն հանգամանքը, որ որեւէ տեղեկութիւն չկայ այն մասին, թէ այդ հանդիպումին

ընթացքին քննարկուած են Արցախի Հանրապետութեան եւ լայն հասարակութիւնը յուզող իրական հարցերը՝ առնչուած անվտանգութեան, հայ գերիներու վերադարձին, բռնագրաւուած տարածքներու մէջ մշակութային արժէքներու ոչնչացման եւ մարդու իրաւունքներու ոլորտին մէջ օր օրին վատթարացող հարցերը: Ստեղծուած իրավիճակին մէջ յատկապէս կարեւոր կը համարենք երկու հայկական պետութիւններուն՝ միջխորհրդարանական յանձնաժողովի միջոցով օրէնսդիր մարմիններու գործակցութեան օր առաջ վերսկսումը, ուր պիտի քննարկուին անվտանգային, Ատրպեյճանի եւ Թուրքիոյ հայատեաց քաղաքականութեան շարունակական դրսեւորումներուն համաչափ ու համարժէք արձագանգելու, հայ գերիները վերադարձնելու եւ բազմաթիւ այլ հրատապ հարցեր: Նկատելի է մեր տարածաշրջանին մէջ ծաւալող իրադարձութիւնները՝ կոչ կ'ուղղենք Արցախի եւ Հայաստանի Հանրապետութիւններու Ազգային ժողովներու նախագահներուն հրատապ կազմակերպելու միջխորհրդարանական յանձնաժողովի նիստ:

Արցախի Հանրապետութեան Ազգային ժողովի՝
«Արդարութիւն» խմբակցութիւն
«Հայ Յեղափոխական Դաշնակցութիւն» խմբակցութիւն
«Արցախի Ժողովրդավարական Կուսակցութիւն» խմբակցութիւն
Ստեփանակերտ
22 Փետրուար 2022թ. »:

ՀՀ ԱՐՏԱՔԻՆ ԳՈՐԾՈՅ ՆԱԽԱՐԱՐՈՒԹԻՒՆԸ ԽՍՏՕՐԵՆ ԿԸ ՂԱՏԱՊԱՐՏԷ ԱՐՅԱԽԻ ՆԱԽԱՎԱՆԻ ԵՒ ՀԱՅԱՍՏԱՆԻ ՆԱԽԿԻՆ ԵՐԿՈՒ ՆԱԽԱՎԱՆՆԵՐՈՒՆ ԵԿԱՏԱՄՄ ԲՐԵՎԿԱՆ ՇԵՏԱՊԵՐՈՒՄ ՅԱՐՈՒՅԵԼԸ

Հայաստանի արտաքին գործոց նախարարութիւնը խստօրէն դատապարտեց Հայաստանի 2-րդ եւ 3-րդ նախագահներ Ռոպերթ Զոհարեանի եւ Սերժ Սարգսեանի, ինչպէս նաեւ Արցախի նախագահ Արայիկ Յարութեանի նկատմամբ Ատրպեյճանի կողմէ քրեական հետապնդումներ յարուցելը՝ զանոնք կոչելով «շինծու եւ հակահայ նկատառումներով թելադրուած»:
«Արցախի քաղաքացիական անձերու արտադատական սպանութիւններու եւ հայ ռազմագերիներու բռնի անհետացումներու մէջ ներգրաւուած անձեր յայտնաբերելու, ինչպէս նաեւ շրջան ահաբեկիչներու բռնի անհետացումներու մէջ ներգրաւուած անձեր յայտնաբերելու, ինչպէս նաեւ շրջան ահաբեկիչներու բռնի անհետացումներու մէջ ներգրաւուած անձեր յայտնաբերելու»:



Ներքերը, յանցագործ ցանցերը բացայայտելու ջանքեր գործադրելու փոխարէն, Ատրպեյճանը նոր թափով կը ծաւալէ երկար տարիներ վարած հայատեաց քաղաքականութիւնը, Լեռնային Ղարաբաղի, Հայաստան-Ատրպեյճան սահմանագծի մէջ հետագայ լարուածութեան յարուցման նորանոր փորձերու կը ձեռնարկէ», նշուեցաւ յայտարարութեան մէջ:
Հայաստանի արտաքին գործոց

նախարարութիւնը կոչ ուղղեց Ատրպեյճանին՝ կառուցողական դաշտին մէջ լուծումներ փնտռելու, շրջանի բոլոր ժողովուրդներու իրաւունքներու պաշտպանութեան եւ բարօրութեան վերաբերող քայլերու ձեռնարկելու:
Նախարարութիւնը վերահաստատեց շրջանին մէջ «խաղաղ գոյակցութեան եւ փոխադարձ հանդուրժողականութեան հաստատման վերաբերող ջանքեր գործադրելու Հայաստանի Հանրապետութեան յանձնառութիւնը»:

ԻՆՉ ԿՐՍԵՆ ԱՍՏՂԵՐԸ

ԽՈՅ



Եթե կուրորեն վստահիք ձեր բարեկամներուն, ընկերային կեանքի մէջ յուսախաբութիւն կրնաք ապրիլ: Սահման մը դրէ՛ք ձեր եւ այլոց միջեւ:

ՑՈՒԼ



Յարաբերութիւններու բարեկաման շաբաթ է: Նոր ընկերութիւններ կրնաք հաստատել, որովհետեւ տիրող ընկերային կացութիւնը ի նպաստ ձեզի է այս շաբաթ

ԵՐԿՈՒՐԵԱԿ



Ձեր միտքը մի՛ ծանրաբեռնէք ինչ հարցերով: Դեպի առաջ նայեցէ՛ք եւ նոր ծրագիրներ մշակեցէ՛ք:

ԽԵՅՁԵՏԻՆ



Ձեր թանկ ժամերը մի՛ սպառէք բամբասկոտ մարդոց հետ: Դժուր մնացէ՛ք անոնցմէ ու անտեսեցէ՛ք զանոնք:

ԱՌԻՉ



Յաջողութիւն գտնելով ձեր շրջապատին նախանձը կրնաք գըրգռել: Ուստի իւրաքանչիւր յաջողութիւն մի՛ յայտարարէք բացայայտօրէն:

ԿՈՅՍ



Արուեստի ձեր հակումներուն շնորհիւ պիտի մասնակցիք գեղարուեստական նոր ծրագիրներու մշակման:

ԿՇԻՈՔ



Աշխատասեր եք: Աշխատանքային ձեր աշխուժութիւնը զսպեցէ՛ք երբեմն, որպէսզի գերյոգնածութիւնը չընկնէ ձեզ:

ԿԱՐԻՃ



Յոռետես եք այս շաբաթ: մի՛ մոռնաք, որ կեանքը դպրոց է, փորձեցէ՛ք դասեր քաղելով զգուշանալ փորձութիւններէ:

ԱՂԵՆԱՒՈՐ



Գործի նոր գաղափարները յաջողութեամբ պիտի պսակուին ու համբաւ պիտի ունենաք նոր միջավայրերու մէջ:

ԱՅՏԵՂՋԻՐ



Ձեր սիրելիները կը փորձեն ամեն ջանք ի գործ դնել ձեզ գոհացնելու համար: Չնահատեցէ՛ք անոնց ջերմութիւնը:

ՋՐՅՈՍ



Այս շաբաթ վեճեր ունեցաք միութեանական ընկերներու հետ: Մարդիկ յաճախ տարբեր մտածելակերպ ունին, ուստի մի՛ նեղանաք անոնց քննադատութիւններէն:

ՁՈՒԿ



Վերապահ եղէք ընկերային միջավայրի մէջ: Ձեր գաղտնիքները մի՛ բացայայտէք բոլորին: Լուռ աշխատեցէ՛ք:



ԲԱՐԵԿԵՆԴԱՆԻ ԴԻՄԱԿԱՒՈՐՈՒՄ

Բարեկենդանի ամենաբնորոշ յատկանիշներէն է դիմակաւորումը: Բարեկենդանին ծպտուելու, կերպարանափոխուելու մասին գոյութիւն ունին շարք մը տեղեկութիւններ: Դիմակաւորումը՝ որպէս ծեսի բաղադրամաս, կը կապուի նախնեաց պաշտամունքին հետ: Հայկական Բարեկենդանը ունեցած է իւրօրինակ Ձմեռ Պապ: Վ.Վ. Տեր Մինասեան կը յիշատակէ Ս.Սահակ Պարթեւի տօնին տունները շրջող եւ օրինող Մենծ-Պապուկը: Մենծ-Պապուկի ժամանումը կ'ազդարարէր Բարեկենդանի սկիզբը:

Ա.Արք. Մանուկեանը նոյնպէս կը յիշատակէ Բարեկենդանին եկող Պարթեւ-Մենծ Պապուկը, որ կու գար գթակը գլխուն, գաւազանը ձեռքին, ոչխարի մորթ հագած: Ան կը մօտենար գինիի կարասին, իւրաքանչիւրին բաժակ մը գինի կու տար եւ կ'ըսէր. «Եկաւ Մենծ-Պապուկը, հագար բարով մեր Բարեկենդանին»:

Դիմակաւորումը կերպարներէն է Բարեկենդանի Բուն օրուան երեկոյեան տունները յայտնուող մէյմուկը: Ձաւախքի մէջ նմանատիպ կերպարը կը կոչուէր դադի:



Յաճախ անոր երեսին ալիւր կը քսէին, այծի մազէ հիւսուած մօրուք կը տեղադրէին դէմքին, հագուստի մէջ կը փաթթէին գինք եւ ձեռքին երկար ձող կամ ակիչ տեղադրելով կը պտտոցնէին տունէ տուն: Այցելուները կը շնորհաւորէին տանտէրերը, իսկ մէյմուկը տանտիրոջմէն անպայման ընծայ մը կ'ուզէր, ստանալէն ետք միայն կը հեռանար:

Դիմակաւորման ընթացքին տղաքը յաճախ կը հագնէին աղջիկներու հագուստ, փոքրերը՝ մեծերու, երբեմն ալ՝ ծաղրածուի: Արտաքինը պէտք է ըստ կարելոյն ծիծաղաշարժ ըլլար: Դէմքերուն կ'անցընէին ծիծաղելի դիմակներ կամ կը ներկէին մուրով, ալիւրով ու ածուխով:

Նոր նախիջեանի դիմակաւորները հարսնքաւորներու, հոգեւորականներու, բռշաներու, գօրավարներու զանազան խումբեր կը կազմէին: Անոնք տունները կ'այցելէին, չէին խօսէր, բայց կ'երգէին եւ կը պարէին: Դիմակահանդէսի նպատակը ուրախութիւն եւ ծիծաղ սփռելն էր:

ԲԱՐԵԿԵՆԴԱՆԻ ԽՈՅԱՆՈՅ

Բարեկենդանի օրերու ամենաբնորոշը, սակայն, կերակուրներու առատութիւնն ու այլազանութիւնն էր: Անպայման իւրաքանչիւր ընտանիք, նիւթական իր հնարաւորութիւններուն չափով, կը մորթէր հորթ, այծ, ոչխար կամ հաւ:



Սովորական օրերուն գիւղացին հագուադէպօրէն կը մորթէր իր տան անասունները, սակայն Բարեկենդանի ամառային արմատներուն մէջ կայ գոհաբերութեան գաղափարը, յանուն յաջողակ երկրագործական տարե-

սկիզբի, մատաղով սիրաշահած են աստուածները՝ խնդրելով բերքի առատութիւն:

Բարեկենդանի տօնի ամենական ճաշատեսակներն են՝ փաթիլլան (պանիրով կամ միսով տապակուած խմորեղեն), ամիճը (լեցուած հաւ կամ հնդկահաւ), հալվան, փախլաւան, սըռոնը (թանապուրի մէջ եփած խմորէ գնդիկներ), սեմսեկը,

ծուածեղը, գաթայի տեսակները, աղանձը, փոխիւնձը, կոլուակները, խորովածներն ու խաշլաման:

Մարզական



Ռաֆֆի Սիկսիան

ՏԵՂԱԿԱՆ

ԼՈՒՐԵՐ ՍՈՒՐԻՈՑ ՄԱՐԶԱԿԱՆ ԿԵՆՏՐՆԸ

- Սուրիոյ պասքեթի աղջկանց Բ. դասակարգի ախոյեանական մրցումներուն, ՅՄԸՄ-ի կազմը 73-62 արդիւնքով պարտութեան մատնեց Լաթաքիոյ Թատամունը: Ա. խմբակի առաջին դիրքը գրաւեց Յուրիէն, որուն յաջորդեց ՅՄԸՄ-ը:

- Սուրիոյ պասքեթի տղոց հաւաքականը մէկ շաբթուան տեսչութեան ուսումնամարզական հաւաք մը ունեցաւ Միացեալ Էմիրութիւններու մէջ, ուր կատարեց երկու բարեկամական հանդիպումներ Շարժայի ակումբին հետ: Առաջին հանդիպումին հաւաքականը եւթարկուեցաւ ձախողութեան, սակայն կրցաւ յաղթական աւարտել երկրորդ հանդիպումը:

Աւելցնենք, որ Համաշխարհային գտման մրցումներուն, Սուրիոյ հաւաքականին կը սպասեն երկու կարեւոր հանդիպումներ, առաջինը՝ Պահ-երեյին, իսկ երկրորդը՝ Իրանի հաւաքականներուն դէմ:



ՄԻՋԱՉԳԱՅԻՆ

ՁՄԵՆԱՎՅԻՆ ՈՐԻՄՊԻԱԿԱՆ ՄՐՅԱԵՆՐԸ ԱՄԻՐՏԵՅԱԲ

Կիրակի օր աւարտին հասաւ 24-րդ ողիմպիական ձմեռնային «Փեքին 2022» մրցաշարը, որ տեղի ունեցաւ Չինաստանի մէջ 4-20 Փետրուարին:



Աւարտական հանդիսութեան ողիմպիականի միջազգային դաշնութեան նախագահ Թովմաս Պախ Բարձր գնահատեց մասնակից խաղացողներն ու պատուիրակութիւնները, որոնք յաջողեցան լաւագոյնս ներկայացնել իրենց երկիրները: Ապա ան ողիմպիական դրօշը յանձնեց Իտալիոյ պատուիրակութեան, նկատի ունենալով, որ 2026-ի մրցումները տեղի պիտի ունենան Իտալիոյ մէջ: Յայտնենք, որ տոյն ողիմպիականին մասնակցեցան 2911 մարզիկներ, որոնք ներկայացուցին 91 երկիրներ: Ախոյեանութեան աղիւսակին առաջին դիրքը գրաւեց Նորվեգիան՝ ապահովելով 37 մետալներ, որոնցմէ 16-ը ոսկի, 8-ը արծաթ եւ 13-ը պրոնզ էին:

Երկրորդ դիրքը գրաւեց Չեքոսլովակիան, իսկ երրորդ հանդիսացաւ Չիլաստանը:

ՓԱՐԻՉ ԱՆ ԺԵՐՄԱՆ ԱՆԱԿԱԿԱՆ ՊԱՐՏՈՒԹԻՆ ՄԸ ԿՐԵՑ

Ֆրանսայի ֆութպոլի ախոյեանութեան 25-րդ փուլի մրցումներու ծիրին մէջ, Փարիզ Սան ժերման անակնկալ պարտութիւն մը կրեց՝ 3-1 արդիւնքով Նանթին: Յաղթական խումբի երեք կոլերը նշանակեցին Ռանտալ Զոլտը, Զոնթին Մերիին ու Նոտովիքը: Հանդիպումի առաջին կիսախաղի միակ կոլը նշանակեց Նեյմար ժուհիը՝ 47-րդ վայրկեանին:



ՌԵԱԼ ՄԱՏՐԻՏՆ ՈՒ ՊԱՐՍԵԼՈՆԱՆ ՄԵՐ ԶԱՐԹԱՆԱԿՆԵՐ ԱՐԶԱՆԱԳՐԵՑԻՆ

Սպանիոյ ախոյեանութեան 25-րդ փուլի մրցումներուն, Շաբաթ օր, մայրաքաղաքի Ռեալ Մատրիտը 3-0 արդիւնքով պարտութեան մատնեց Տելիփրթիօ Ալավեսը: Ռեալի բոլոր կոլերը արձանագրուեցան երկրորդ կիսախաղին: 63-րդ վայրկեանին, Ասենսին նշանակեց առաջինը, որմէ քանի մը վայրկեան ետք Վինսիսիոս ժուհիը կրկնապատկեց արդիւնքը: Նախքան հանդիպումի աւարտը, Զարիմ Պենսեման տուգանային հարուածով նշանակեց երրորդ կոլը: Կիրակի օր Պարսելոնան դարձեալ նկատելի արդիւնքով կրցաւ պարտութեան մատնել Վալենսիան: Հանդիպումը տեղի ունեցաւ Վալենսիոյ դաշտին վրայ եւ աւարտեցաւ 4-1 արդիւնքով:



ԽԱՉԲԱՐ (ՄԻ 379)

Պատրաստեց՝ Մարինա ԶիլԱբօզեան-Պօղիկեան

	1	2	3	4	5	6	7	8	9	10	11	12
1												
2												
3												
4												
5												
6												
7												
8												
9												
10												
11												
12												

- Հորիզոնական**
1. Ոսկիի, արծաթի մասնիկներ: Տերեւներով պատրաստուած ըմպելիք: Տարի:
 2. Ստեղծող: Միայն:
 3. Աստուածային:
 4. Հակառակ՝ 3004: Տաղաչափուած քերթուած:
 5. Հնձելու գործիք:
 6. 16 էջնոց ծաւալ ունեցող տպագրական գործ: Ծոյլ:
 7. Հակառակ՝ ժամանում:
 8. Անխարդայն: Թունաւոր օձ:
 9. Հակառակ՝ անձնական դերանուն: Արական անուն:
 10. Հակառակ՝ 4300: Հակառակ՝ հեռու, օտար: Երկբարբառ: Եական բայ:
 11. Մանելու գործիք: 5008:
 12. Վարդան Արեւելցիի քերականագիտական աշխատութիւններէն.

«Մեկնութիւն»:

- Ուղղահայաց**
1. Շատ գարդարուն:
 2. Հակառակ՝ իգական օտար անուն: Տօթ:
 3. Մայր: Իշխանութեան գաւազան: 45:
 4. Արական անուն: Կեանք տուող:
 5. Հպարտութենէն ուռած: Արական անուն:
 6. Տառի մը անունը: Արական անուն:
 7. Շիրվանց աղբի ֆիլմի վերածուած վեպերէն: Հակառակ՝ աղբիւր:
 8. Հակառակ՝ տառի մը անունը: Անսկզբնատամ՝ լարաւոր նուագարան մը: Տառի մը անունը:
 9. Գրաբար՝ ո՛ւր: Տեր չունեցող: Իգական անուն:
 10. Մահի վիշտ:
 11. Աչք: Ձայնաւոր տառեր: Միսք Մեծարեցի բանաստեղծութիւններէն:
 12. Խառնատամ՝ անտուկ: Ժողովրդային ասացուածքը կ'ըսէ. «Միջեւ ժուշանը գարդարուի, կ'արձակուի»:

ԽԱՉԲԱՐ (ՄԻ 378)

ԼՈՒՐԵՐ

	1	2	3	4	5	6	7	8	9	10	11	12
1	ր	ա	տ	ա	ա	ա	ն	ա	տ	բ		
2	բ	ա	ա	ն	ա	կ	ա	ր	ա			
3	ա	խ	ա	ն	ա	ն	ա	ն	ա	ն		
4	ն	օ	ր	ա	ն	կ	ե	հ	բ			
5	խ	ա	ն	ա	ն	ա	ն	ա	ն	ա		
6	կ	ր	ի	ւ	ն	ա	ն	ա	ն	ա		
7	ա	ն	ա	ն	ա	ն	ա	ն	ա	ն		
8	մ	ա	խ	ա	ն	ա	ն	ա	ն	ա		
9	յ	ա	ր	ա	ն	ա	ն	ա	ն	ա		
10	ա	ն	ա	ն	ա	ն	ա	ն	ա	ն		
11	ն	ա	ն	ա	ն	ա	ն	ա	ն	ա		
12	դ	ա	ն	ա	ն	ա	ն	ա	ն	ա		



